



## Publicaziuns dalla vischnaunca, jamna 18

### Elecziuns cantunalas, votaziuns federalas e votaziun communalas dils 15 da matg 2022

L'urna principala en casa communalas ei aviarta sco suonda: **Dumengia, 15-5-2022, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 13 da matg 2022, allas 14.00**, tier l'administraziun communalas (tel. 081 920 36 36).

#### Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 15 da matg 2022, allas 11.00 tier l'administraziun communalas.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

*Suprastonza communalas*

---

### Damondas da baghegiar

#### 2022-1000.000

##### Datum dalla publicaziun: 6 da matg 2022

Il patrun: Penderaras Mustér SA, Via Acletta 2, 7180 Disentis/Mustér  
Il representant: michele zago architetti, Viale Cattaneo 21, 6900 Lugano  
Object: Sanaziun totala digl edifeci 264-B (Dependance), midada d'intent, construcziun da siat habitaziuns, parcella 502, Via Sontga Catrina 10, 7180 Disentis/Mustér

#### 2022-1027.000

##### Datum dalla publicaziun: 6 da matg 2022

Il patrun: TU ECIA Partner Immobilien AG, Martinsplatz 8, 7000 Chur  
Il representant: Wild Bär Heule Architekten AG, Baurstrasse 14, 8008 Zürich  
Object: Construcziun d'ina casa da pliras famiglias (Casa Sura) ed ina halla da parcar, parcelas 923/924, Via Sogn Placi 8 e 10.1, 7180 Disentis/Mustér

#### 2022-1028.000

##### Datum dalla publicaziun: 6 da matg 2022

Il patrun: Repower SA, Via Santeri 74, 7130 Ilanz  
Il representant: ipz ingenieure + planer ag, Via Lucmagn 7, 7180 Disentis/Mustér  
Object: Remplazzament dalla lingia libra a Caprau, 7182 Cavardiras

#### Protestas:

Ils plans da construcziun ein deponi tier l'administraziun communalas. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 6 da matg 2022  
*Uffeci da baghegiar Disentis/Mustér*

---



### Lubientscha da baghegiar

L'istanza da baghegiar ha concediu suandonta lubientscha da baghegiar:

#### **Nr. 2022-1013.000**

Willi Lozza-Tschuur, Via Cavardiras 5, 7180 Disentis/Mustér; construcziun nova – suoschna/niev plaz da seser, parcella 1010, Via Cavardiras 5, 7180 Disentis/Mustér.

Disentis/Mustér, ils 6 da matg 2022  
*Uffeci da baghegiar Disentis/Mustér*

---

### Annunzas da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandonts projects:

#### **Nr. 2022-2041.000**

Proprietad en condomini parcella 984, c/o Florian Lutz, Via Veier 8, 7180 Disentis/Mustér; reparaturas vid il tetg sco era il tgamin, parcella 984, Via Veier 8, 7180 Disentis/Mustér.

#### **Nr. 2022-2042.000**

Heidi e Peter Zazzi-Loretz, Via da Scola 14, 7180 Disentis/Mustér; sanaziun dil mir sco era dalla portagarascha, parcella 3003, Via da Scola 14, 7180 Disentis/Mustér.

Disentis/Mustér, ils 6-5-2022  
*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **gievvia, ils 12 da matg 2022**, allas 20.15 en halla Cons.

#### **Tractandas:**

1. Protocol 13-2021/2024
2. Avertura Val Segnas ed Uaul Run: Informaziun (messadi 22-2021/2024)
3. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

\*\*\*

### **Rapport dalla seduta dils 29-4-2022**

Venderdis-sera, ils 29 d'avrel 2022, ha il cussegl da vischnaunca sut l'egida da sia vicepresidente **Helga Probst-Linder** approbau il rapport da gestiun ed il quen annual 2021. La suprastonza communal ha saviu presentar in bien quen cun in'atgna finanziaziun da 2,67 milliuns francs ed investiziuns nettas dad 1,14 milliuns francs. Suenten haver risguardau tuttas amortisaziuns, ils cuosts extraordinaris e la prelevaziun ord finanziaziuns specialas ei restau in surpli da recavs da frs. 159 135.36. Plinavon ha il cussegl da vischnaunca dau suatientscha alla proposta dalla suprastonza communal da far in deposit dad 1,2 milliuns francs ella prefinanziaziun pil project innovativ dil Center Fontauna. Il quen 2021 vegn conform agl art. 21, lit. a dalla constituziun communal suttemess al referendum facultativ.

*Suprastonza communal*

\*\*\*



### Referendum facultativ

A caschun da sia seduta dils 29 d'avrel 2022 ha il cussegl da vischnaunca approbau unanimamein il rapport da gestiun ed il quen 2021.

Conform ad art. 21 lit. a dalla constituziun communal da quella decisiun suttamesa al referendum facultativ. Il messadi davart quella fatschenta ed il quen 2021 ein exponi per investa en casa communal (stanza nr. 10). Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastonza communal*

---

### Serrada dalla via d'uau Runfoppa

Muort lavurs da transport da lenna cun suga e camiun a Runfoppa Sut vegn la via da Runfoppa mintgamai ad esser serrada pil traffic motorisau sco era per pedunzs. Las lavurs entscheivan **gliendisdis, ils 19 d'avrel 2022** e cuozan prevedentamein entochen ils **20 da matg 2022** (dependent dall'aura). Per pedunzs ei igl access ensiviars garantius sur la via veglia viers Pégn Rodund. Per viadis urgents viers Runfoppa Su ein ils pertuccai supplicai da contactar il selvicultur Simon Cathomen, telefon 081 920 36 41.

Bien engraziament per l'enconuschientscha e capientscha.

*Uffeci forestal Disentis/Mustér*

---

### Preavis serrada dil parcadi halla Cons

#### Installaziun d'in percuors da velos (pumptrack) avon halla Cons

En collaboraziun cun igl uffeci da sanadad dil Grischun ed il project «bischnfit.ch» vegn postau sin il parcadi dalla halla Cons in percuors da velos (pumptrack). L'installaziun succeda naven dils 20 da matg 2022 e resta per rodund treis jamnas.

Cheutras vegn il parcadi avon halla Cons **serraus** naven dils **18 da matg** entochen ils **12 da zercladur 2022**.

Bien engraziament per Vossa capientscha

*Jris Lombris, geraua sanadad, scolaziun, cultura e sport ed igl uffeci da baghegiar*

---

### Controla da habitonts

#### Mortori

Marius Valentin Huonder, naschius ils 27 da zercladur 1958, morts ils 27 d'avrel 2022.

---

### Clom d'urgenza 118

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

*Vos Pumpiers Sursassiala*

---



## Corporaziun d'aua Spina da Vin, Disentis/Mustér

**Invit alla radunonza generala dalla Corporaziun d'aua Spina da Vin, mardis, ils 10 da matg 2022, allas 20.00 en halla Cons, Via Cons 4, Mustér**

### Tractandas

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziuns:
  - a) quater commembers da suprastonza
  - b) dus revisurs da quen
9. Orientaziuns
10. Varia

Suenter la radunonza vegn offeriu in refrestg mudest. Tuttas commembras e tuts commembers ein cordialmein envidai e beinvegni.

*Corporaziun d'aua Spina da Vin  
Per la suprastonza, il president: Aluis Flepp*

---

## Camp da reiver per affons dalla Colonna d'agid CAS Mustér 2022

Sco gia dapi biars onns meina la Colonna d'agid Mustér atras dus cuors da reiver per affons denter 10 e 16 onns (annadas 2006–2013). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia–venderdis (1. jamna 17-7–22-7-2022, 2. jamna 24-7–29-7-2022)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che manca san ins retscheiver dil cuors.
- Cuosts: L'occurrenza cuosta.

Annunzias ein pusseivlas naven dils **6 da zercladur 2022** sut laialv@disentis.ch

*Colonna d'agid Mustér*

---

## Informaziun publica

### Gievgia, ils 26 da matg 2022, allas 20.00

Sala Peter Kaiser, claustra Mustér. La punt pendentia sur il Rein naven da Sontga Gada entochen Mumpé Medel, numnada «la pendentia», ei gia vegnida tractandada intensivamein dallas autoritads politicas da nossa vischnaunca e dil Cantun. Bugen orientein nus la populaziun dalla regiun sur dil stan actual dil project e stein bugen a disposiziun per rispunder a damondas.

*La suprastonza dall'Uniun la pendentia*